

PDB memperingati peristiwa Isra' Mi'raj Rasulullah



PEMANGKU Pesuruja Polis, Awang Haji Mohd. Jammy bin Haji Muhd. Shah Al-Islam hadir selaku tetamu kehormat pada ceramah agama di Surau Ibu Pejabat Polis, Gadong.

Oleh : Saerah Haji Abdul Ghani
Foto : Mohd. Sahrizal Haji Said

BANDAR SERI BEGAWAN, Khamis, 21 Mei. - Majlis-majlis keagamaan bagi memperingati Sambutan Isra' dan Mi'raj bagi Tahun 1436H / 2015M terus diadakan oleh pelbagai kementerian, jabatan-jabatan kerajaan, persatuan kerajaan dan bukan kerajaan (NGO) serta pihak-pihak persendirian.

Antara yang menganjurkan sambutan seumpamanya ialah Pasukan Polis Diraja Brunei (PDB) dengan mengadakan ceramah agama, berlangsung di Surau Ibu Pejabat Polis, Gadong, di sini.

Hadir selaku tetamu kehormat pada majlis tersebut ialah Pemangku Pesuruja Polis, Awang Haji Mohd. Jammy bin Haji Muhd. Shah Al-Islam.

Juga hadir, pegawai-pegawai dan anggota PDB.

Majlis bermula dengan Sembahyang Sunat Hajat Berjemaah yang diimamkan oleh imam surau berkenaan, APO Sarjan 6472, Mohd. Yusri bin Haji Abu Bakar.

Dalam ceramah agama yang disampaikan oleh Pensyarah Kanan Fakulti Syariah dan Undang-Undang Universiti Islam Sultan Sharif Ali (UNISSA), Dr. Haji Abdurrahman Raden Aji Haqqi antaranya menyentuh mengenai peristiwa perjalanan Nabi Muhammad Sallallahu Alaihi Wasallam dari Al-Masjid Al-Haram ke Al-Masjid Al-Aqsa, yang kemudiannya dimikrajkan dari Masjidil Aqsa ke Sidratul Muntaha. Katanya, perjalanan Nabi

Muhammad Sallallahu Alaihi Wasallam ini banyak menggambarkan peristiwa-peristiwa besar dan penting yang hanya berlaku dalam tempoh masa yang pendek.

Beliau juga turut mengongsikan peristiwa-peristiwa Nabi Isah Alaihi Salam.

Dengan adanya majlis seumpama ini akan dapat meningkatkan lagi keyakinan umat Islam kepada Allah Subhanahu Wata'ala, meyakini kebenaran atas risalah kenabian Nabi Muhammad Sallallahu Alaihi Wasallam dalam meningkatkan keimanan dan ketakwaan, selain memperingati hari-hari kebesaran Islam dan menjadikan sejarah peristiwa Nabi Muhammad Sallallahu Alaihi Wasallam sebagai teladan dan ictibar anggota PDB setiap masa khususnya semasa melaksanakan tugas yang diamanahkan.

Pusat Bahagia semarak Sambutan Isra' dan Mi'raj



PEMANGKU Pengarah Pembangunan Masyarakat, Dayang Hajah Noridah binti Abdul Hamid menyampaikan hadiah kepada johan Kategori Penglihatan B2 / B3 yang disandang oleh Awang Md. Syahmi Syahiran bin Sahari dari Daerah Tutong.

Oleh : Hajah Siti Zuraiha Haji Awang Sulaiman
Foto : Hamzah Mohiddin

PULAIE, Isnin, 25 Mei. - Bagi menyemarakkan lagi Sambutan Isra' dan Mi'raj yang penuh bersejarah dalam Islam, Pusat Bahagia, Jabatan Pembangunan Masyarakat mengadakan Peraduan Azan dan Peraduan Tulisan Jawi bagi pelajar-pelajar Pusat Bahagia keempat-empat daerah berlangsung di Dewan Darul Imtiaz, Pusat Bahagia Brunei dan Muara.

Hadir selaku tetamu kehormat majlis ialah Pemangku Pengarah Pembangunan Masyarakat, Dayang Hajah Noridah binti Abdul Hamid.

Seramai empat peserta masing-masing mewakili keempat-empat daerah mempersembahkan laungan azan mereka pada Peraduan Azan tersebut.

Johan Peraduan Azan dimcnangi oleh Awang Muhammad Shabbirin bin

Sahirani dari Daerah Brunei dan Muara (DBM), manakala tempat kedua disandang oleh Awang Haji Nasib @ Hafizzudin bin Haji Brahim dari Daerah Temburong, manakala tempat ketiga diraih oleh Awang Md. Syahmi Syahiran bin Sahari dari Daerah Tutong.

Sementara itu bagi Peraduan Tulisan Jawi pula, johan bagi Kategori Lelaki diraih oleh Awang Khairul Anuar bin Apang dari Daerah Tutong manakala Dayang Irma Haryana Ratmi binti Haji Ismail dari DBM johan bagi Kategori Perempuan, dan johan Kategori Penglihatan B2 / B3 pula disandang oleh Awang Md. Syahmi Syahiran bin Sahari dari Daerah Tutong.

Peraduan Azan dikhususkan bagi peserta lelaki berkeperluan khas intelek, anggota dan penglihatan, manakala Peraduan Tulisan Jawi

terbuka kepada semua murid-murid lelaki dan perempuan berkeperluan khas intelek, anggota dan penglihatan serta pendengaran.

Peraduan adalah sebagai salah satu aktiviti Pusat Bahagia dalam memperlihatkan kemampuan Orang Berkeperluan Khas mengikut aktiviti-aktiviti berkebakjikan.

Ia juga dihasralkan menamakan minat dan keberanian kanak-kanak berkeperluan khas dalam mengikut aktiviti-aktiviti keagamaan seperti melauangkan azan di khalayak ramai dan memperlihatkan kemahiran mereka menulis seni khat Islam serta memupuk semangat dalam kalangan pelatih-pelatih dalam menyenai kecintaan tulisan Jawi dan mengetengahkan kepandaian dan kemahiran penulisan masing-masing.

Majlis turut diserikan dengan persembahan nasyyid Isra' Mi'raj Mukjizat Agung daripada pelatih-pelatih Pusat Bahagia Brunei Muara.

Bengkel dikir anjuran Jawatankuasa Takmir Masjid Zainab

Peraduan Mari Bercerita wasilah pembentukan kebudayaan, bangsa negara

HALUAN

Dari muka 2

".... Betapa mustahaknya sesuatu bangsa itu memiliki ilmu pengetahuan dalam pembangunannya. Orang berilmu ialah orang yang tidak habis-habis menuntut mendengar melihat dan membaca bagi memperolehi ilmu. Orang seperti ini disebut oleh Al-Qur'an sebagai orang yang diangkat darjatnya di sisi Allah dan manusia. Di manakah kita dalam perkara ilmu ini? Maksud beta, di mana kita dalam perkara membaca, mendengar dan mutalah' bahan-bahan ilmu?"

Jika kita mengukur martabat manusia yang bertamadun, kita perlu melihat akan ketinggian ilmu pengetahuan sesebuah masyarakat itu. Masyarakat berilmu dan kaya maklumat adalah hasil dari individu yang gemar membaca. Semakin kita banyak membaca semakin itulah juga ilmu kita berkembang. Ibarat perumpamaan banyak membaca luas pengalaman' dan orang membaca juga ibarat 'sebiju benih baik apabila dilontar ke laut akan menjadi pulau'. Sesungguhnya tidak ada jalan penghujung dalam kita menyelami lautan yang luas. Hanya dengan ilmu pengetahuan yang luas dan mendalam masyarakat kita dapat maju dan

menghadapi cabaran zaman yang cepat berubah ini.

Dalam kesempatan ini sukacita saya menyeru kepada semua penghulu dan ketua kampung di seluruh negara selaku pemimpin akar umbi masyarakat supaya akan dapat memimpin masyarakat kampung untuk meningkatkan kesedaran dalam memperkasa budaya membaca dan menggalakkan masyarakat di setiap mukim dan kampung masing-masing untuk bergerak sama dan mengambil langkah ke hadapan untuk sama-sama membantu kerajaan dalam melahirkan masyarakat berilmu, berpengetahuan dan bermaklumat serta bokerjasama dengan DBP untuk menggunakan perkhidmatan-perkhidmatan yang disediakan di keempat-empat daerah.

Saya juga menyarankan supaya perkhidmatan perpustakaan bergerak dilaratkan di kampung-kampung yang jauh dari perpustakaan supaya masyarakat kampung dan mukim boleh meminjam bahan bacaan yang disediakan dengan demikian matlamat kerajaan untuk memperkasa budaya membaca kepada semua golongan masyarakat di negara ini akan tercapai.

Akhirnya kepada semua peserta yang bertanding, selamat bertanding!

Sekian. Wabillahit Taufeq Walhidayah, Wassalamualaikum Warahmatullahi Wabarakatuh.



BENGKEL dikendalikan oleh Pegawai Hal Ehwat Masjid Daerah Tutong, Awang Haji Masri bin Haji Muhammad.

Berita dan Foto : Noraisah Muhammed

LUMUT, Selasa, 19 Mei. - Bengkel dikir selama tiga hari yang diungayahkan oleh jawatankuasa Takmir Masjid Zainab Lumut diadakan bertujuan untuk mendedahkan ilmu dan seni Dikir Brunei kepada warga Muslimah di Daerah Belait.

Antara lain, bengkel itu juga dihasratkan untuk menyebarkan Dikir Brunei kepada semua peringkat umur agar tidak lenyap mengikut arus kemodenan masa kini dan terus berkembang seiring dengan Dikir

Syarafil Anam, Rawi dan Tausyeh.

Bengkel yang disasarkan kepada Muslimah Masjid-masjid Daerah Belait dan Beliawanis itu diadakan buat pertama kali pada 18, 19 dan 25 Mei dan dikendalikan oleh Pegawai Hal Ehwat Masjid Daerah Tutong, Awang Haji Masri bin Haji Muhammad.

Bengkel tersebut mendapat sambutan yang menggalakkan daripada Muslimah seluruh masjid di Daerah Belait. Lebih dari 30 orang peserta mengikuti bengkel tiga hari itu.